清

言態

光 孔 子 緒 千 DQ. 四 年 百 歲 四 次 + 戊 九 戌 年

第

册



THE CHINA DISCUSSION

ISSUED. THREE TIMES PER MONTH.

錄 本舘在橫濱 居別地壹百三十

九番

清議報叙例

外國近事及外議

西報譯篇

本館論說

論八月之變乃廢立而非訓政

支那近事

戊戌政變記 第四篇

政變前記

論變法必自平滿漢之界始

任 任 公

公

公公 詩文辭隨錄

任

譯 印政治 東報譯篇

政治小說住人奇遇卷 小說序

文信國 戊戌八月國變紀事 與黃老賢四首 日月星 辰 风視歌 四首

更

譚 譚 晶 同 4

井叙

同

與支那有志諸君子

寄書

第頂章 第壹章

政變之分原因 政變之總原因

會具某君文

幅下期方錄

本報所刊支那哲學新論今因限於篇

東海散士

任

浪浪 夫

朗

上譚 血者此國之所以不昌也有之請自嗣同 爲犧牲者是以 年來義俠 民人之自 其終乃天 爭之際 於累卵不 之歷 奇故際列 餘年間世界社會日進文明有不 嗚呼我支那國勢之危險至今日而極矣雖然天下之理非剝則不復非激則 君嗣同之言也日世界萬國之變法無不經流 史 無 A 之風 田國! 所謂 日忽開赫曦在空和風甘雨 絕如綫始則陰雲妖霧慘黯嵌野繼則疾風暴 國改革 不 殺 民 久絕國家 勢之浡興而 人 十九世紀之雄 氣階 如麻 之始未甞不先之以桎梏刑戮干戈之慘酷吾甞縱觀合眾國獨立 然不昌 流血成河仁人志士前仆後起赴湯蹈火者項背相望 祇 有 不知其前此抛 國勢爾焉不振日凘月削以至於今日 易姓 國若英若法若奧若德若意若日本當其新舊 可押遏之勢押之愈甚者變之愈驟遏之愈久者决之愈 之事 扇氅 始嗚呼吾聞譚君之言始焉而哀終焉 前 幾多血 無草政之事士民之中未聞有因國政 犁 類出之淺見者徒點羨其後此 血而後成中國自古未 一淚擲幾多頭顱以易之也 雨迅雷掣電旋 而否塞 出 有 旋 因 一極矣善夫 我支那數千 文物之增 没 相 石很競近百 國勢岌岌 而喜畫 變 相 角官 法 搏相 而 而 以身 民相 以 我 流 列 進 危 擊 後

此以徃其必有仁人志士前 支那數十年以來正如嚴冬寒冱水澤腹堅及有今日之事乃所謂一聲春雷破蟄啓戶 仆後起以扶國家之危于累卵者安知二十世紀之支那必不 自

如十 持國體 大聲疾呼哀哀長鳴實爲支那革新 萬萬 一千八百十五年至三十年間歐洲各國之情形大 九世紀之俄英德法日本奧意乎哉乃者三年以前維新諸君子創設時務報於上海 同 施之國民當共鑒之我黃色種人欲圖二十世紀亞洲自治之業者當共贊之今將 之時也是以聯合同志共興清議報爲國民之耳目作維新 之前蘗焉今茲政變下封禁報館之令揆其事實殆與 類嗚呼此 之喉 正我 國民 舌 鳴 呼 竭 忠盡 我 支

慮扶

那

M

本報宗旨規例列 左

宗 旨

維持支那之清議激發國民之正氣

增長支那人之學識

四 交通支那日本兩國之聲氣聯其情誼 發明東亞學術以保存亞粹

服錄

本報所刊錄約分六門 支那人論說 日本及泰西人論說

Ŧi. 政治小說 支那哲學 四

萬國近事

支那近事

譯稿釆登各國志士如有關心支那大局惠賜大稿者請於每次定稿之前惠寄必當 報中所登支那人論說係由本館自聘之主筆撰述其日本及泰西論說則由寄稿或 本報每月發刊三次以陰曆一日十一日二十一日發行每次於發行前五日定稿

199

叙

大大大

関の変形が

二日本芸奏西人品

本機所所総称でいる

ij.

任 公

其遽見施行哉。乃未及兩載。而學校科學之議。已一一著賭功令。且並有草莽臣所 得。未必無流壤之助。雖然。舉世墨墨。外患逐逐。全局岌岌。當余之言之。豈敢望 余於丙申之秋。始爲變法通議。登於時務報。冀我后我大夫。或賜来擇。則劉奏

海。忽焉一旦赤輪吐於地平。光明照於大地。亦意中事也。用更綴述所懷。續成前 未敢言。而聖天子已毅然而行之者。嗚呼。是豈丙申夏秋間所及料也。諺曰。鷄 餘復熾。其艱難視丙申間殆十倍焉。雖然。嘐嘐之聲。偏滿實區。杲杲之影。己浴桑 鳴而天曉。鳴之時未必即曉之時也。然聞之者知其去曉不遠矣。方今朝局一變。預

論變法必自平滿漢之界始。

續法通識外篇一

作。明夷待訪。期以歲年。光緒戊戌十月任公自記。

滅。一言以蔽之曰。爭種族而已。始焉物與物爭。繼焉人與物爭。終焉人與人爭。始焉 蠻野之人與 蠻野之人爭。繼焉文明之人與蠻野之人爭。終焉 文明之人與文明之人 自大地初有生物。以至於今日。凡數萬年。相爭相奪。相搏相噬。遞爲强弱。遞爲起

之。一世界中。其種族之差別愈多。則其爭亂愈甚。而文明之進愈難。其種族之差別 爭。茫茫後顧。未始有極。嗚呼。此生存相競之公例。雖聖人無如之何者也。由是觀 愈少。則其爭亂愈息。而文明之造愈速。全世界且然。况劃而名之日一國。內含數箇

小異之種。而外與數箇大異之種相遇者乎。

雖然。追原有生之始。同是劣種而已。而其後乃能獨有所謂優種。以別異於羣劣種。 盡。而世界中遂無復此種族。盖地球自有人類以來。其蹈此覆轍者。不知幾何姓矣。 勝劣敗之公理。劣種之人。必爲優種者所吞噬所朘削。日侵月蝕。日凘月滅。以至於 夫世界之初起。其種族之意別。多至不可紀極。而其後日以减少者。此何故乎。 憑優

劣遂不可同年而語矣。夫世界種族之差別。必日趨於減少。此自然之勢也。而所以减 少差別之法。不外乎澌滅與合並之二者。非優則劣。非勝則敗。苟不改良。必致滅亡。 而戰勝於他種者何也。數種相合。而種之改良起焉。所合愈廣。則其改良愈盛。而優

無中立之理焉。有統治種族之權者。當何擇也。

今且勿論他洲。勿論他國。先以支那論之。在昔春秋之間。秦楚吳越。皆謂之夷狄。而

通。無以異於今之滿漢也。自漢以後。支那之所以漸進於文明。成爲優種人者。則以 旗令之雲南。桂令之廣西。南越令之廣東也。當時皆與中原之人異種。互相猜而不相 錯居而 孰爲秦之戎孰爲楚之蠻也。孰爲巴之羌滇之夷也。反之則春秋以前。雜居於內地者。 諮種之相合也。惟共相合。故能並存。就今日觀之。誰能於支那四百兆人中。而別其 而决矣。然則吾所謂平滿漢之界者。爲漢人計乎。爲滿人計耳。 敗之數。恒視其優劣以爲憑故也。今夫滿人與漢人。孰爲優種。孰爲劣種。不待知者 今無一存焉。則以劣種戰敗。而澌滅以至於盡也。今猶有出種獞種稱種等。與優種人 有所調路戎徐戎萊戎淮夷陸渾之戎。有所訓赤狄白狄長狄。其種別之繁。不可數計 之名耳。今夫秦今之陝西。楚今之湖南。吳今之江南。越今之浙江也。巴蜀今之四川。 巴蜀滇桂南越。至秦漢間猶謂之羌。謂之西南夷。夫夷狄之稱何自起乎。蔑視異種人 不相合。然其殘喘殆亦不可以久矣。何也。不合則必爭。爭而必有一敗。而勝

或日。如子之言。則自豆胡北魏遼金元以來。游牧之種。狎主中夏。而蒙古之兵力。東 轄高麗。北統俄羅斯。西侵歐洲。南吞緬甸越南。迫印度阿剌伯。回回之種。撫有希臘 とりた文リス 本館論說

氣已失。蒙昧之性未改。而欲免脧削澌滅之禍。其可得乎。 悍之人種生於今日。猶不能安然獨立於競智諸强國間也。况如今之滿人者。强悍之 古。西班牙之能逐回部。希臘之能反土耳其。皆其證也。故即使以數百年前。滿洲强 生其間。其勢固不足與之敵。徒受其殘暴而已。而其最後之戰。人卒能勝禽獸者。則 用智與用力之異也。故世界之進化愈盛。則恃力者愈弱。而恃智者愈强。俄之能逐蒙 徃戰於數百年以前。而夾於數百年以後。彼洪水前之時。主持世界者爲巨鳥大獸。人 而子所憂者特過慮耳。荅之日。不然。夫種戰者非决於一時而已。其最後之勝敗。 羅馬西班牙印度之地。峨特狄打牲之種。亦曾蹂躪半歐。然則優勝劣敗之說未可憑。 徃:

人於死地。聽其永永沈淪。永永燦爛。而不以易其一日之歡娛富貴。徒認漢人爲異 十之七八焉。然則支那之存亡。係於黃種之勝敗。而宰治支那者。常忍置全種數百兆 種。爲不利於已。而不知更有異種之大不利者。過此萬萬也。是則旁觀所代爲惕息。 夫以黃色種人與白色種人相較。其爲優爲劣。在今日固有間矣。至其末後之戰。勝敗 如何。則未能懸定也。雖然。欲種戰之勝。必自進種改良始。而支那之人數。實居黃種

能爲工。不能爲商。一旦分割。政權財權兵權三者。既歸白種人之手。彼時欲求一飯 **岩滿人則數百年來。不耕而食。不織而衣。其全部五百萬人。不能爲士。不能爲農。不** 實之。故漢土雖分割。而漢人仍可以有權力於世界之上。即受針制。而終能以自存。 不少。尚可謀聯合以爲恢復獨立之事。滿人則旣寡且愚且弱。雖不遭報復于漢人。亦 之飽。一樣之安。可復得乎。然則滿人所自以爲得計者。正其自取滅亡之道。眞所謂 作之業。尚藉漢人爲一轉輸之紐。而南美非洲太平洋未闢之地。皆賴漢人以墾之以 長爲白種之牛馬而已。且漢人之農者工者。其操作最勤。其價值甚廉。他日全地球力 滿人。其無噍類也必矣。分割以後。則漢人滿人雖同爲奴隸。然漢人人數太多。才智 然。守今日頑固之政體。不及數年。必受分割。分割之際。會匪乘起。暴徒橫行。政府 之威力。既不能行於地方。則民皆將任意報其所仇憤。其他吾不敢知。而各省駐防之 有米利堅獨立之事。有法蘭西西班牙革命之學。彼時滿人噬臍無及。固無論矣。即不 令試言滿人他日之後患。抑壓之政。行之旣久。激力所發。遂生大動。全國志士。必將

达马牟龙门以 一本館齡說

醫渴而飲鴆者也。

論戊戌八月之變乃廢立而非訓政

子乃指之爲廢立。得無失實乎。答之曰。君之所以爲君者何在乎。爲其有君天下之權 或問曰。今次之致變。不過埀簸訓政而已。廢立之說。雖道路紛傳。然未見諸實事。今 耳。既篡君權。豈得復訓之有君。夫歷代史傳載母后亂政之事。垂以爲誠者。既不一 而足矣。然歷代母后之埀簾。皆因嗣君之幼冲。暫時臨攝。若夫已有長君。而猶復專

政者。則惟唐之武后而已。卒乃易唐爲周。幾覆宗社。今日之事。正其類也。皇上即位 漸者。天下之人皆將受其愚。今夫瀛臺屛居。內豎監守。撒出入之板橋。减御膳之品 彼逆后賊臣之設計。固甚巧矣。廢立之顯而驟者。天下之人皆得誅其罪。廢立之隱而 以來。乾斷睿照。綱舉目張。豈同襁褓之子。猶有童心者。而忽然有待於訓政何哉。且 既二十四年。聖齡已二十九歲矣。臨御宇內。未聞有失德。勤于政事。早朝晏罷。數月 物。起居飲食。不能自由。如此則與囚虏何異。既已囚廚矣。而猶告天下日。吾非廢立

也。天下之人亦從而信之。嗚呼。何天下之人之易愚弄也。皇上所親愛之妃嬪。則撒

其簪珥。施以杖刑。不許進見。皇上所舊用之內監。駢殺夷戮。無一存者。欲食雞絲 不得。欲食米粥而不得。人非木石。受此怨毒。豈能久存。環顧廷臣。無一心腹。幽囚 而

爲非弑君也。嗚呼。痛哉痛哉。何我。皇上之冤慘至於如此其極也。何天下之人之全 信之乎。嗚呼。是亦全無人心而已。吾以爲海內臣子。如有念君父之仇者。則宜於今 **酖毒乎。倘他日或有大故。則逆后賊臣。且將以久病升遐告於天下。而天下之人亦將** 別殿。無復生人之趣。昔雖無病。今亦當命在旦夕矣。况復下硝粉於食品。行無形之 令之不討賊不問罪者。因信逆賊之言。以爲非廢立也。然則他日亦必**聽逆賊之**言。以 今日而不討賊。不問罪。則雖他日 日而興討賊之師也。海外各國。如有恤友邦之難者。則宜於今日而爲問罪之學也。使 皇上被弑。吾知其亦必無問罪討賊之人也。何也。

或又問曰。子言誠哀矣。然讀八月初六日上論。則西后之埀簾。實 禪。曹丕屢讓。若有大不得已者然。自此以徃。歷代篡弑者。皆循茲軌。然則可謂曹丕 下之人。雖欲討賊問罪而無辭也。答之曰。子不讀漢獻帝禪位曹丕之詔乎。獻帝屢 皇上所懇請。天

無人心至于如此其極也。

主門美我以 一本館論說

之踐阼。實由漢獻之懇請乎。嗚呼。爲此說者。非大愚即大悖耳。

或又問日。皇上之賢。逆后之罪。既已聞命矣。然中國之立君。無有憲法。惟意所欲而

已。今西后雖篡位矣。而討賊問罪。猶爲無辭也。答之日。中國之政。向來奉聖經爲準

子之書。朱子綱目。於北魏胡后之事。則大書胡太后弑其君。於唐武后之事。則大書 憑今日之實爲篡逆乎。且支那人向來所信奉。常引爲政治之準的者。六經之外。則朱 衡。故六經即爲中國之憲法也。書言牝雞無晨。牝雞之晨。惟家之索。禮言夫死從子。 又言婦人不與外事。春秋因文姜之淫而不與莊公之念母。然則母后臨朝。爲經義所 不容。有明證矣。論語。君薨聽於冢宰。尋常幼帝之立。母后臨朝。猶爲六經所不取。

帝在房州。皆與今日之事。若合符節者也。

戊戌政變記 第四篇 今先將第四篇登于報中 政變前記

任

公

第一章 政變之總原因

頑固大臣痛恨改革也。西后之事。既詳前篇。今更紀頑固黨之事如下。

政變之總原因。有二大端。其一由西后與 皇上積不相能久蓄廢立之志也。其二由

數年前。英國駐北京公使某。常語醇親王云。貴國之兵太不足恃。方今外患日迫。何 以禦之。蓋早圖矣。醇親王日。吾國之兵將以防家賊而巳。非以禦外侮也。英公使喟

然而去。大學士軍機大臣剛毅常語人日。改革者漢人之利而滿人之害也。吾有產業。 也能關係。獨附限例分解支限之流報送 於讀此書者。若不能知滿洲全部守舊黨人之心事若何。則醇王與剛毅之二語其代表 吾얡贈之於朋友。而必不使奴隸分其潤也。此二語京師之人所共聞也。吾今有一言告

省。惟湖南無外國人之足跡。今一行小輪船。則外人將接踵而至矣。陳詰張曰。我雖 去年湖南巡撫陳寶箴。擬在湖南內河行小輪船。湖廣總督張之洞不許。日中國十八 と呼ぶえて、 戊戌政機能 五

質行分割之事。則公將何以自處乎。張默然良久日。雖分割之後。亦當有小朝廷。吾終 湖南督撫之任。以後雖有事而非吾兩人之責也。於是小輪船之議卒罷。去年之冬。德 人踞膠州。歐洲列國分割支那之議紛起。有湖南豪傑某君謁張之洞。詰之曰。列國果 不行小輪。常能禁外人之不來乎。張曰。雖然。但其禍不可自我當之耳。若吾與君離 也。其二則亦知外患之可憂矣。然自顧已七八十之老翁矣。風燭殘年。但求此一二年 者。告以外國之名猶不相信。語以外患之危急。則曰此漢奸之危言悚聽耳。此一種 等者乎。故今綜全國大臣之種類而論之。可分爲數種類。其一。幡然不知有所謂五洲 嗚呼。張公固大臣中之最賢。而有聞於時者也。然其言猶若此。况其他出張公之下數 能知支那全國二品以上大員之心事如何。則張之洞此兩語其代表也。 不失爲小朝廷之大臣也。湖南之豪傑拂衣而去。吾今又有一言告於讀此書者。若不 之無事。以後雖天翻地覆。而非吾身之所及見矣。此又一種也。其三以爲即使吾及身 而遇亡國之事。而小朝廷一日尚在。則吾之富貴一日尚在。今若改革之論 一倡。則吾

目前已失舞弊之憑藉。且自顧老朽不能任新政。必見退黜。故出死力以爭之。終不以

所遇皆敵。而欲其無敗劒也得乎。

第二章 政變之分原因

政變之分原因夥矣。今擇其稍重大者條列之。

會爲大逆不道。於是李盛鐸上奏劾會。御史潘慶瀾黃桂鋆繼之。皇上概不問。而 。戊戌三月。康有爲李盛鐸等同謀開演說懇親之會於北京。大集朝士及公車數百 人。名其會曰保國。後李盛鐸受榮祿之戒。乃除名不與會。己而京師大譁。謂開此

高额之起。

偏於全都。

一。同月梁啓超等聯合舉人百餘人。連署上書。請廢八股取士之制。書達於都察院。 萬人。皆與八股性命相依。聞梁啓超等此擧。疾之如不共戴之仇。獨播謠言。幾被 都察院不代奏。達於總理衙門。總理衙門不代奏。當時會試舉人集輦轂下者將及



则型

三。先是湖南巡撫陳寶筬。湖南按察使黃邈憲。湖南學政江標。徐仁鑄。湖南時務學 御史徐樹銘。御史黃均隆。相繼入奏嚴劾。 大行改革。全省移風。而彼中守舊黨人。疾之特甚。屢遭人至北京參劾。於是左都 堂總教習梁啓超。及湖南紳士熊希齡。譚嗣同。陳饗箴之子陳三立等。同在湖南 皇上悉不問。而湖南舊黨之燄益熾。

乃至関散南學會。歐打湘報主筆。謀燬時務學堂。積謀數月。以相傾軋

四。於四月廿三日。 也。禮部尚書許應瞭。百計謀阻撓廢八股之事。於是御史宋伯魯楊深秀劾之。許應 安身立命之業。自是日夜相聚。陰謀與新政爲敵之術矣。禮部者科舉學校之總匯 駿乃轉劾康有爲。 皇上兩不問。 之非。而腹誹益甚。五月初五日。下詔廢八股取士之制。舉國守舊迁謬之人。失其 皇上下詔定國是。决行改革。于是諸臣上奏。 雖不敢明言改革

五。先是二月間。康有爲上書。大陳變革之方。大約以革除壅蔽。整定官制爲主義。請 衙門議行。總理衙門延至五月尚未覆奏。盖意在敷衍搪塞也。至四月廿三日。國是 在京城置十二局。凡局員皆選年力精壯講習時務者爲之。書既上。 皇上飭下總理

皇

有

皇上。皆置詔書於不問。

皇上憤極而無如之何。至六月初十日。乃下詔嚴責

七

三丁公公丁又 一

戊戌政變記

之陳實箴。下詔褒勉。以期激發彊臣之天良。使有所勸懲。稍襄新政。不意各彊臣 怨望益甚。謗讟紛起。而頑固之氣。卒不小改。惟嫉視維新之臣。若仇敵耳。 兩江督臣劉坤一。兩廣督臣譚鍾麟。直隸督臣榮祿。又將督撫中之最賢而能任事

七。中國之淫祠向來最盛。虛糜錢幣。供養莠民。最爲國家之蠹。皇上於五月間。下詔 人最有大力。厚于貨賄。能通權貴。於是交通內監。行浸潤之譖于西后。謂 皇上爲 書。將天下淫祠悉改爲學堂。於是奸僧惡巫。咸懷容怨。北京及各省之大寺。其僧

己從西教。此亦激變之一小原因也。

八。至七月間。候補京堂や春煊。上書請大裁冗員。 皇上允其所請。特將為事府。通 政司。光禄寺。鴻臚寺。太常寺。太僕寺。太理寺。及廣東。湖北。雲南。巡撫,東河總 督。各省糧道等官裁撤。此詔一下。於是前者尸位素祿。關冗無能。妄自尊大之人。

九。支那之大弊。莫甚於上下壅塞。下情不能上達。至是皇上屢命小臣上書言事。長 台不得阻抑。乃七月間。禮部主事王照。上書請上遊歷外國。禮部堂官等。不爲代

多失其所恃。人心皇皇。更有與維新諸臣不兩立之勢。

芝丁车 及口又 一 戊戌政變記

皇上震怒。乃將禮部尚書。懷塔布等六人革職。賞王照以四品京堂。是爲

是懷塔布立山等。率內務府人員數十人。環跪于西后前痛哭。而恕 皇上初行賞罰之事。此詔一下。維新者無不稱快。守舊者初而震怒。繼而切齒。於 皇上之無道。

又相率徃天津就謀于榮祿。而廢立之議。即定于此時矣。 皇上于二品以上大員。 無進退黜陟之權。彼軍機大臣及各省督撫等。屢屢抗旨。上憤極。而不能黜之。此

次乃僅擇禮部閒曹。無關緊要之人。一試其黜陟。而大變已至矣。 皇上無權。可 勝憶哉。

十。皇上至是時。亦知守舊大臣。與已不兩立。有不顧利害誓死以殉社稷之意。於是

參知政事。實宰相之任也。命下之日。 益放手辦事。乃特擢楊銳林旭劉光第譚嗣同四人。參預新政。參預新政者。猶唐之 命四人盡心輔翼新政。無得瞻顧也。自是凡有章奏。皆經四人閱覽。凡有上諭。皆 皇上賜四人以一密論。用黃匣親緘之。蓋

十一。自禮部堂官革職以後。令天下士民。皆得上封奏。於是士氣大伸。民隱盡達。維 由 四人擬稿。軍機大臣。側目而視矣。

等。刑部主事洪汝沖。請合邦借材遷都。嘉謨入告。紛綸輻輳。而守舊大臣。日日陰 新之士。爭出其所懷以聞于朝廷。刑部主事張元濟。有請除滿漢界限。廢科舉。去 拜跪。設議院之事。工部主事李岳瑞。亦請去拜跪。用客卿。大裁冗員。翰林衙門

十二。上既廣釆羣議。圖治之心益切。至七月廿八日。决意欲開懋勤殿。選集通國英 慶三朝開懋勤殿故事。擬一上論。將持至頤和園。稟命西后。即見施行。乃越日而 算。定一詳細規則。然後施行。猶恐西后不允茲議。乃命譚嗣同。查考雍正乾隆嘉 才數十人。並延聘東西各國政治專家。共議制度。將一切應興應革之事。全盤籌 變局已顯。衣帶密詔旋下矣。

十三。七月廿九日。皇上召見楊銳。賜以密詔。有朕位幾不能保之語。令其設法救護。 . 乃諭康有爲及楊銳等四人之詔也。當時諸人奉詔涕泣。然意上位雖危險。諒其事 發在九月閱兵時耳。於時袁世凱召見入京。亦共以密詔示之。冀其於閱兵時。設法

保護。而卒以此敗事。

十四。袁世凱之爲人。能爲大言。勇敢任氣。且深知西后之殘橫。頗以忠于 皇上自 命。雖爲榮祿所拔用。然亦常不滿志於榮祿。且曾游外國。知變法之不可已。故

何語。則非外人所能知也。然自是越一日。而埀簾之僞詔已下矣。

皇上召見之。欲加以恩遇。令其感激圖報。聞八月初五日。尚有密詔賜之云。詔中

九

白 洋之東西。各殊人種。西人白而東人黃。西人優而東人劣。是則歐米之通論 與清國有志諸君子書 而 優者日 驕。黃而劣者日縮。大勢滔滔。無所底止。然所謂歐米通論者。未可保其 東亞同文會員某君來稿 也。 是以

必無也。其言西人優。而東人劣者。特以外形言之耳。外形易勝。或易以信。若夫優劣

之別。豈易俄定哉。亞細亞洲有舊邦。日支那。日印度。然印度既爲亡國矣。而支那猶

未可以 或有以優於西人矣。支那衰弊之餘。今雖似不可與吾日本並論。雖然。彼亦非無長 在存亡之間。是無他。蓋昔爲人文發達之源。其國勢冠萬邦。今則後於西洋文化遠矣。 一小國。其漸開文化。三十一年。特爲世界之一等國。以是觀之。東人豈所謂劣等哉。 人種劣等論之。現今國於東洋。而與列强並角逐者。爲吾日本焉。 日本原是

也。何也。日精質買。盖爲世界第一。以此爭之。獨足與各人相競焉。况加土地之大。 駕於人。若知財之可重。而不知國家之可重。則國之存亡。未知其何如安可哉。 國也。支那亦皆知利之民也。東洋未必失望也。雖然。知利之民。亦 產物之富乎。支那豈得論爲劣耶。若判東西之優劣者當在後日。吾日本世界之一强 知有國家。然後足 支那

審

色引生支に

較長者。補我短。則智之事也。以是觀之。支那先不可 日漁機。日鐵道。 爲後之開明者。不可以其故。併舍其美。天下無極善極長。况澆季之時乎。 爲文明。則彼實雄天下矣。勢力之所在。害亦生焉。罪亦歸焉。是天下之通患也。故 則西人之害也。是亦何甚也。然別人種相爭。勢不得已。假令彼遂不言之。我亦將言 行。各省有獨立之勢。中央無統 明。導以進取。則何當有不爲强國之理乎。顧淸國政府。今果何 自古至今。奉聖人之教。盡 之矣。盖彼以文明自誇。亦非無理也。 一變從前 政治可 ・如鬼域。以利已爲主。排擊異已者。不遺餘力。曰黃人無伍白人之權。曰東人之盛。 如决大河。或無能防 也。古昔彼爲 之百弊。以近時氣運徵之。如有待此等事物。 日開礦。日冶金。日造兵。其他百般工作。 政治者。皆謂民可使由。不可使知。其敵也。營私利縱私慾。無 之者。覆沒之難。且不圖夕。豈不 心忠孝。 一之權。欲不受外侮。曷可 。蓋其窮理之妙。器械之精。眞奪天工。若以此 不就 導誘人情。發揮衆心。然後進 事物。 可慨 得 可以足一洗民之耳 也。請 以奮愛國之氣。教以文 如。綱紀 嘆耶。西人外飾君子 進 觀 其文明。 歐 洲 不學。政令不 之東 然取 日 目。而 電氣 漸 較

役。欲 理。猛省勇進。則雖鬼神不能害之。况諸外國乎。頃察支那之現狀。似人民之意嚮少。。。。。。。。。。。。。。。。。。。。。。。 何必然。實欲扶 淪而我勃興。 争之。殆將爲西人縱然之餌也。吾日本雖 軒昂。列國大懼。遂至嫉妬之。自此以後。支那國運日傾。 廿七年日清之役。清軍連戰連敗。遂海無一艦。陸無一兵。而吾日本 意。或。破。 破。 政。 疑。 萬。 游。 一仁人。荷用心於此。則行政治。進開明非難事也。 滯。 也。支那人民。元來順良而重上。是以爲之上者。不借訓令之煩。而能化其下。志。。。。。。 治也。人皆危其害多利少。然吾人民。能斟酌西法。能調和我舊俗。上下勵精。無 不 ·長太 《息得乎 一低一昂。東洋之和 植 東洋也。然事 。然此機此會。亦天意之妙存 典 心遠。其計未 殆將破矣。吁。起日 被嫉妬 就 之害。然國 緒。 焉。盛衰有因。知其因。而察可昌之 清之役者 而早既 要港緊地。委 運 有寒齒之處。 日盛。 l。 為破 武 每戰有功。意氣 東洋 威 人鎖鑰。無以 大揚。 之和平。日 H 彼沈

世 引 定 及 行 収 一

将

啓之。 子散 西人之智。 學之法。設 甚 變也。爲日 或。必。捐。 以 題。有 氣 有。小。之。 有故也。人各異其 心。 之波濤。 支那之大問 。 則希 。 之 次 高 。 則 系 。 遊 概 知 盖 聞 四 欲 其 滔 啦 方。 悔過 本警察顧問 智而 又遠 沿 經 匿 嚮 暗 濟 於 皆 日 遷善。 補 流激宕之勢。有先覺之士。倡孔 特 知 近 Ш 觀 科 所 世道。新聞 外 我 國。 以學之。彼 足。以。 國。 練軍 心。假令彼等皆欲救國治民者。其所企畫各異。或 以 奮完軍 或 僱聘。以上皆官府之事。 獎 伍 發 改。此。 數。 於 勵 於 雜 備 西海之野也。 、商賈。 十有為 誌。 實 雜 之風潮平。數 練軍 學。 誌。又將日 道各殊其途。自 知 建 見列强 其頑陋 不 置 之士。未 數 子。能 顯 於批者 之富 盛 益多焉。上 募生徒百人。 迁濶 十有爲之士。豈不 模 說文明。 力。 教。 西 而所關稍大者也。至 。乃學文明之政治。 0 亦 式 爲。 和以西洋之文明。集弟子數千。弟 則 逢。 必 多也。况其獨立 海有時 悟 欲 以 多矣。然一。 自 欲留 再造 教其弟子。是皆民間 尊 西者。 之非。 務報。天津有 學于 福 知之耶。 。互不相。 建 我。 北 掬。 職 知其 不。 民間 洋 頃 水。不 知。能。 之思 諸 東。 日逢 强 之事。 艦隊 而。統。 緩。 國聞報。皆 而 西。或緩 不能行 -0 知所 能起大 沙 則 乎。若 有 雖 罷 市 欲 學 科 以 未 之


特東洋 時宜則益善。萬一不適時宜。亦必不妨。盖自此天下之大運動。可得就其緒矣。者爲相害。是無一主意以爲之準者。不若揭一事實。以呼號天下也。其如事實。 東洋 贵可 哉。然殊有 利 能爲力耶。改革須究其根。非仰而衝天。俯而撼地。以震動四海。曷能見世道之一 或 亂 害者。獨爲英國。英與露同爲大國。而並有大關係於支 民起。 晏然 東洋 扶 則 植 。則唯 自安耶 現狀。 東 勢四 不可 洋 土耳。東洋者世界之東洋也。支那之盛衰。直係世界之利害。故其國之 者 有 迫 不加意者 知改革之不可不急也。所謂病入膏肓者。 。强 -非 至 欲 H 日 不 結 本 本獨力之可 p 國耳 同 此 盟 爲 如何 一。其如 。然支 西 勢東 也 能也 爲 那 昔者支那者自以中國以外無天地。 我 不 壓。 果何。 我 足爲 西勢東漸。 亦 典國 不可不 我蒙其 者。其他 猶洪水蟻穴且入之。若支 求同盟於西歐。而 累猶 那 荷欲 者也 可矣。然東洋非 東 洋諸邦多然。爲 療 之。贵 故 與其 偷 西 安姑 東洋人 歐 欲 同 水其 典 日 盟 息。 我同 本 適。 新》 皆 2 與 有 所

掠其 爲英國 貿易 以 箭 态 者。今勢不可行。至中策者。或得以行之。中猶不能。乃支那四 一三國。而斥二三國。 日 獨 足 英得 自 窺 支 英之所 無 之利。 北 那 # 窬 其大。然至其 厭 獨 爲 今日 相 之慾。以得 不 丽 非我誰當之。若果 法德。 立 結 以 A 不 誇者 以以 之計 爲大 生釁。而 相 在 牽 改革 法常窺其南 併 人國者。 者 0 亦 制 否 東亞爲有大利。以扶 大 l。 在統 也。 也。 利害。有大異其趣者。露之所以爲大國者。依一 支 以能成改革之業。爲中策。爲列强所干涉。此爲下策。其爲上 與藉 在殖 那 旣 是 他所干 则 -欲利 日英同 口 非 E。 德何 殖 民 于 足以制大勢矣。 所 地。而 民 彼。若列强扞格支吾之間。能遂改革之業。爲上策。依 其 以 涉。 地 其東。法欲 干 盟。德逸豈足憂耶。 恃 沙。以 况於不得自主獨 而 其 p 爲 不 地 植 我 在 東洋 隔 制 擴 同 本 壓 果如此露勢。 事干涉取 自 盟 大 國 之。 乎。 領 任者。 甚遠。統 宜 土 欲 一。英有 立 慎 是余所以 南 改革支那 安得 平。故 處 御 也。可 之。 亦不能拒其 大關 之術 典之同 分五裂。既失東洋 不 不 以英制 爲 別 者。 口 係 是言 實其 所 輕 於支那 盟。 連廣袤 宜留意於此 爲也 p 者 業。 恃 所苦心 以賈 者 者 0 露 而繼 請 欲 之地 其 與不 欲 在通 利 見彼 也。 嗣 其 露 乘 耶 若 故 欲 口 足 機 窺 商

書

志士之大合同者亦是也。而欲促志士之大合同。無若揭一實事以示之。若明學一實 夫至其實事。非模稜曖昧之言也。待他日言也。今特揭志士合同。以希大方君子贊助 事。則天下之耳目皆向之。誠意之所至。必捨小異合大同。猶取大綱衆目皆擧也。若 假令支那之改革。有要急者。遂不容其輕舉妄動。是志士之所日夜焦慮也。余所以唱 华矣。夫策近交遠攻。豊啻俄行改革之謂耶。以平和漸進行之。冝有此慮。已有此慮。

耳。



有十 鄉疎落城市荒凉商務工藝一 多地 方未免勞師襲遠 西伯利亞之東其地有 及中 平答者 八十三萬三千 能先决其 西十一月倫 深有一百三十兆 用 兵以 五號第三等快船有三十六號政府 央 廣兵力極 各省者 Ē 何 必勝與否以日本地形據 以 國 爲 日 敦頗路摩路報錄俄國訪事人來 先從 多 Ħ. 盛 本 更言 百丁 倫由 但以 之多即太平時亦有兵 軍 械 何 小亦師 大不列 方里而土著之民不及七兆陸軍 俄 西 如是齊備即使開戰似亦不宜與日本戰也又問 地 而 開 -俄 國 戦我 東 國第 切俱無凡有需用 頭六倍之廣抑在其地開戰乎其地 則 而 陸軍 典 國已預備否今日日本軍械已齊備抑 -H 東方之險恐俄國進 等之戰 及人 本 不能盡調往太平洋偷調來太平洋沿途屯煤及 敵仍恐未能 一兆倘遇爭 民漸 船 函 有十 之物皆從歐 覺稀少所以通計西 云邇來俄邦進步黨人相論 號 自 戰則有二 第三等戰 兵亦不 不過四萬人官員之數亦 信 何 也以 洲運 一兆二十 易也然俄 船 來 我 人民只得 譯 運 有 伯利亞部 陸 泰 費 軍 萬 典日 倘 西 號 俱在 甚 兵預 國 若 時 第 重 本開 Z 謂 典 事 萬 調 不 歐 備 强 H 俄國將來 報 等快 兵 五 在 過 洲 仗爲 我 本 人 來 干 其 四 西 知 民 臨 船 東 村 內 兆 南 仗 先 極

は引起えり又

快船十 國若以 俄國直 府 伯利亞之東 採辦火食等項一切均 不能償還以 能 之東尚要陸 雖 使東方人民 竭 號每點鐘至快者可行十八至二十英里至遲者亦行十二英里 力明 勢力相敵勝負尚不可知况今西伯利亞鐵路未成陸軍要步行一千里乃能 是一半野番之國也若言俄國外强中乾必須歷兩代之後開闢彊土多設城邑方 即使 至 濟饑饉之年每 行彼處樹木 《興盛也 政府之庫項因此支絀其人民又皆愚蠢 火車可行計調二十五萬陸兵亦須三个月乃能 要預備 俱無 人 城市 今欲與日 賑銀至七八十元之多以望其豐收 人民絕少道路 本 决戰誠 未 崎嶇人煙稀 易也日本現在 不識 工藝皆未 少乞丐者多 成行 之年償還 之戰 到了 戦艦 經開 船 俱用 政府 去京既遠 之數多於 化 西伯利 之民 新 屢 亞部 式 年尚 到 以 西 俄 有

續俄日論

中 鴿 形之勝算也他時開戰或 或聯 麓 報論 約別國合力干預亦未可料總之以 俄 日 形 勢亦 與頗路摩路報所論 在直線 海灣 或 在 東方地 高 之意 麗地 同 勢而 其論 股之間日 論 日倫若 H 本三島形 本國正當 東方 有戰 似蛾 險要之區 務 H 眉 本預 4 月 實 在局 横 操 地 列

亦未能 擊之必 互相 軍 衝擊軍隊 口 伸臂而握東方之利權吞占東方之土地也東方强國惟日本 因 爲魚雷 東方 五百 回 盡 目 鋒 得 其爲 高 甚 英里 窺 **兼併得之乃今他國** 覩 **望**盡 噩 於 銳 麗 伺 日 盡 渴戰 分散 言之然 全國 關 本 擊 其南方之港 而高 日 進步氣勢蒸蒸 如果 收其 本 防 必 甚難攻也且其南方沿海 之地 甚 所 麗 獲勝敵 、西方有 衝 地 密 以 形 勢難 擊必 股隔 勢日 如 日 反 本 口四四 矣盖 手 直注意 者 本南方之海島與高麗 典 敵 離 兩 然至 俄國 也 來侵勿以爲 圍多屯勁兵 立 日上俄國恐 西 者 現 邊 日 本之南 也 東方之勢日 彼 海 於 兴 濱 此觀 H 倘 日 本 本 H 大 之敵 日本 防其衝突一處疎處必被其內河 之海 本 H 望 陸 ---內 帶港 有 欲 本 不 河 止能 過 軍 開 相 國究是何 基 在高麗與其爭為雄 港 一艦隊以 日 闢 猜 义極多可 以極多率然運 一百二十英里今若以 極南之地相接甚近中間 相忌 自衛 彊 土當 H 本安得 之意已 其實特 之取 國以 趁此 以埋 獨 此 高 其天 雄 設 伏 兵調 麗 時 不 不忌之乎 東方 長而 · 雷數 魚雷 今已 機 問 險 會 雖 動靈 /水軍攻 之土 日本 年矣俄 有 今 更能 深 __ 港以 便若 是以 通 所 餘 派 日 東方政 地 又甚忌俄 不 更不 隔 出 -國所恐 及防備 枝 辺 俄 他 伏 而 日 用 勁 H 攻 兵四 水 本 海 日 多方 治 1 軍 兵 兩 H 極 不 即 國 國 者 家 其 本 即 肅 攻 南 過

起马差民日

西報譯稿

方之海 隊駐 攻即 於俄日本 防伐國 路巳築造許 籌畫但日本欲闢 上 本若發手 西方各岸調來之兵艦 之路 **黎南** 派 陸 他日調兵之易乎若不 權 則 則欲闢 最好者先攻海參崴 斷不能與俄爭矣以現時 洋 軍 H 久告成之日 馬 勁 本 旅 握 功 土地 握 土 東 加 地當 方海 海脛 高 甚 麗 源源不絕日本兵艦之數不及俄國之多日本不其危矣哉 趁此 難矣即 京城別 東方必大有 權勢力充足俄國其奈何哉盖 之在馬 來 速行此策俄國鐵路 數年否則遲疑 在此城之南 叉派 派 西伯利亞部之東至高麗皆爲囚 取高麗 **燃艦隊駐** 軍駐於北 變 局 邊 與否在日本掌握之中在日本立志 日 本 失此好機會矣何也俄國 新 或北邊攻其砲 邊以防 豈 駕坡附 旣 D 成 不 必進 於高 西伯 東方之勢以 近 咽 兵以 利 喉 臺更由 題多駐 之海 亞 争高 部進兵之路派 海 道 海參威之背進 重 兵爲 軍 麗高 西 兵之地矣俄 以 伯利 防 爲 立 重若 俄 麗 勢必 脚之 亚部之鐵 如 國 何 艦 水 近折入 失 隊 兵夾 耳 地 國 軍 以 曲 北 日

論 奥大 民多是從大不 利 亞

奥大

利亞

之人

列

顛

返

國

焉

以

外

約

有

土

人

七萬之多並

中

國

蘭阿爾蘭之名 到此 亦 來 綿 貿易於此 綿 不 絕 島 也 內有 而生下 土番至今倘 子 女遂 永 未 有激 而

譯

泰

西

地

志

書

從英國

運

來者以故此

地遊人

不

多視爲

罪人寄跡之區

五十年之久未甞

興商焉及後此

傾士連此 奧大利有五大单一日新南威路士二日域多 白闢 枝焙 之多其中六分之一 由 野樂於郊遊甚難移易雖一 未甞貯之以倉廩以待來年以故餓殍盈野英國政府曾經敦化誘令執業設計多矣惜性 冬令始建巢魔 性擴野不 西 方來 美焉 灸而 土 大英 地 五者以新南威路 以來 食馬 者 近良善自闢此島以來土番漸漸減少土番面目 至其種族 較之亦莫及焉中國之人多在東方區域約一萬五千人多是操 尤多于東方自一千七百八十八年以來至今計之每于西人增至三百萬 各國來者人數 凡物之能充饑者無不獲食 用樹枝等織成 乃寄居雪梨及美耳本城遍洲口岸莫不生意興旺 將滅是何故歟盖彼輩不言耕耘不養六畜雖時值豐年 士開闢最早一千 飢一寒亦不戒意總以自由爲樂故雖 石增而 -盖兩 且富 旁以木爲壁僅能容身烹煮器用一無所有專覓樹 厚於前 如蛇虫恶物未經烹煮而啖之于口以爲食品 八百 厘三日南 八十年此 所有可能投足 奥大利亚四 怪陋性 单 多設監 之區 一愛遨遊隨 誘導之数化之不 日 西奥 房 易于謀生以坎拿 俱爲 用 以 大 泰 處爲 I 大有所獲亦 人 利 雇 西 一禁犯 並五 人所握 I 家 者現 受也 時 人 及

者有加無已大抵爲掘金而來也是時美利本掉每七日不下二千人登岸當時別 徃來在前 例 免却始有商買託 則各視為 仇敵交涉甚疏焉與大利亞之土產最貴者五金羊 足其間 一千八百五十年域多厘既開金礦之後始 -毛自有 闢道路以通 迁 1 华不 金遷 四 甚 居 處

其餘 興旺 之英國所畜者不啻多二倍 所 用 謂旺者亦莫美利本比也產金如是之繁開礦之初每年碎金出 以 在 本土鑄 金錢 不計其數焉其次羊毛之出 可 部盛矣 口亦不少毛精而價昻所畜

口約值

銀

一百

萬

己羊較

南 北 美洲交界尼 加厄嬌鴉 luk 不 久告竣

譯

時

事 西

報

也雖 實繁將來尼 頗路摩路報昨論美國得獲一捷徑與中國通商利益實盛美國各省枕於大西洋者製造 泰西 各國亦英能與之爭 加 厄矯鴉河告成來中國之路不遠矣以其運載利便與中國通商第一捷徑 利蓋 自阿非利 加洲 東北方之蘇舜 士 ins 既開通之後輪船

譜 路 城經蘇 舜 士 Tirk 前徃 香港 北 之由 美洲 紐 約前徃香港近三千五 百 九十 英里將來

由英國尼

花

譜路

城經蘇

彛

士

गि

前 徃

日

本橫濱計

程减三千

五 百四

+

九英里又由尼

花

尼 加 厄嬌鴉 河既通之後又一大變局 中 國南方之銷流 尼花譜路城運 來各貨勢必

或

毎

十二人中抽

一人爲

兵奥大利國男女合算每十一人中抽

减色不如今日之盛至於中國北方與日本諸島距之尤遠更難消售商務自然從此 减 利

洋以至 方 蓋 海濱 此 時 載費昂 輪 市 鎭運貨來中國不 船 曲 貴尼加厄矯鴉河既通 紐約來橫濱之水路較 須經英國 之後可從此往 之從尼 尼花譜路而入 花譜路來者反近二千英里又美洲 一來直由大西洋駛出太平洋爲 地中海叉兒搭 美洲大汽 車出 最捷 切東 太平

之徑英國商務行銷於中國者恐不敵美洲之貨矣蓋水程既捷載費必减承本既輕銷售

希露 皇后 報 滿 洲 云中 人得 國現在變政忽然中 握進步黨之權 并 以重刑殺戮 止揆此情形斷難久立今各國進步非常之速中 之即 此 可 知朝 廷不 欲效法 西 國學 問 ·國則 政治 因

必易也

雖欲傳 比較 權故今遍 大路彼亦畏怯不前且加以憤怒也所以欲將進步黨人開化之風盡行殄滅現已立其威 基 資 西 見識 法於中國甚難矣噫伊輩守舊之人如坐獄囚之中黑暗之室倘有 國 重 入 在 法國 黑暗地獄之中可 毎 九人中 選 不 _ 人爲經 慨哉方今天下正是兵爭最迫之日曾將 練 之兵 偷 有爭 戰 再選 人 爲 預備 人勸以 各國 兵 光明 兵力 在 德

一男丁

爲兵意大利

國

毎

爲兵大不列顛 阿爾蘭之總名 每五十五人抽一丁爲兵約每十一家抽一人之譜以護衛 大

男丁七人中抽一人爲兵俄國人民如此之衆所以其陸軍極多俄國每十一人中抽一人

之兵何能同日而語哉 不列顛及各屬土也中國之兵皆老弱無用抽選又無實額有事則募烏合之衆以比西國

澤東京朝日新聞

川。及至康南海。其論之痛切且精。光緒帝銳意於維新之業。因而廢之。可惜功敗于

支那之弱。其故不一。軍政之不整。與八股之錮才。此其病根也。八股之害。自陳龍

埀成。由此觀之。則欲正其學術。比改革其軍制。不更難乎。

英國陸軍少將。白疊斯福氏。曾遊清國。在支那協會詳論日。竊窺英俄之狀。及我英

則决足以保衛其國。而緝肅內外也。然則吾輩宜令支那政府。冤我國以訓練其兵云 對清之策。頗足動吾輩之一聽。其論支那兵政曰。誰謂支那人不可用。若訓練得宜。 急務。夫兵者。國家之重器。膺懲不逞。無以顯揚文德。而伸國威於內外。我日本維 云。夫氏一武人耳。其策多由軍政上起見。固不待論。然國勢日蹙。則練兵一事。實爲

新。即以更革兵制爲急務也宜哉。

一百餘年。悉爲奴僕。自亦忘形。可以觀其一班矣。如德之占膠州。假之據族大。其事 受願使。不爲大耻焉。如北京政府。起自滿人爲支那一統之業也。嚮所謂中華之民。 盖支那人自稱中華。標榜自高。藐視外邦爲夷狄。然深揆其情。則每受制於外邦。甘

出事会义可其 。

東報釋編

沙山 也。一次也。彼既操此術於亞非利加矣。殷鑑不遠。爲支那者。宜先制機變於未發。以講 類推。若訓練其民。引爲爪牙。而經營其土地。則其前途不亦危殆乎。德也 。法

贵無 計日而待也。大勢至此。然後掩面痛哭則何益焉。滿乎。漢乎。吾所不關。吾輩所惜在 不斷。失此好機。他日者。丁壯則供白人之厨夫。少婦則屬白人之妾婢。灼如觀火。 然策之若何。日宜揮斥諸國之干預。求日與英以練其兵。使英當海軍。日當陸軍。日 求自衛之策可也。 一文登平哉。而英亦必有蘭克其人也。若支那誤認自英有俄德吞噬之心。因循 口

伊藤侯論支那

譯東京日日新聞

支那之淪亡。有識之士。所當未兩綢繆也。

聞見言之。支那外情不難窺悉。惟欲深察其內情。以定其指歸。則極難矣。詢之久居 用不 先起。簡叙開會主意。次伊侯登壇演說漫遊清國情狀。其言日。頃辱諸君盛意相邀。 十二月十日。憲政黨張盛讌。以宴伊藤侯。是日赴會者。一百八十餘人。主人板垣伯 敢辭。僕自本年六月辭官投閒。於七月漫遊支那朝鮮兩地。敢以沿途耳目之所

相睥睨。有朝不及夕之急焉。勢已至此。則其亦酬應四方之不暇。又何暇標立政策以 該土之諸國人。亦悉以爲然。盖其政府處此時艱。內無人才。而列强對彼之狀。亦互

以數千年所繼承之文物制度。以及土風民俗。一旦革故鼎新。此豈一朝一夕之所能 政。於九月下旬。有政變之事。其革進黨。平日所畫策經營者。一旦歸于蹉跌。夫所以 可謂盡得其當。窃料其事難成。果不出數月。其黨立敗。進銳速退。自然之理。然遠於 革進不可已者。誰復敢挾異論于其閒哉。惟僕察彼所謂革新黨者之所爲。其畫策未 當外交之艱局哉。惟其貌爲鎭靜。故亦無人能詳解其大勢終如何也。盖今所論東洋 之大局。則視中國之大勢如何。其蕞爾如朝鮮者。固不可同日而語也。今試論中國內

其政府之兵威。猶不足戡定匪類。以保其良民。又安能得對峙列强之間。以保持其 持政綱而已。然此亦暫爲目前之計。决不能恃爲久安之策也。今也各省叛賊蜂起。而 也。今若此。則其現有之勢力。豈足以保衛其國乎。兵之不備。政之不修。政府之威。 不能保衛其國。不待智者而知之。而其所以能保今日者。實賴因循之舊勢。僅足以維

哉。必俟有英邁逸群之帝者出。而以才識卓拔之士。爲之輔弼。然後能創立一大英業

封彊乎哉。

君所觸目者也。此時僕猶在上海。而英國艦隊。咸令集於威海衛。此葢非爲中國北部 不免波及於我。如嚮之花梳打事件。歐人相爭之故。其一電一報即危及於我。此諸 勢既如此。亞東之時局。可不謂危急乎。然而亞東之局。由其惹起各國之紛斜。誠恐

變。各國皆欲乘虛以動。頻加警戒。方此時突有此事。而列國對峙之勢未保。恐有乘 以爲患也。然若各國互弄兵威。釀成互角之勢。則鋒煙彈雨之慘。亦將不可測焉。 機挑發不測之變於北部者。英國聚耀軍艦於威海之意。葢在此焉。伹聚耀兵威。未足

政變之事。而實起於花梳打事件。蒸釀於英法之間。今據某通人之言曰。現北京政

旅橫濱清國人數

六十人。 女四百三十二人。男兒五百七十五人。女兒三百二十八人。現今照十月杪所查。更加 照前月杪所查。現在旅橫濱清人。總共三千二百五十二人。其中男一千九百十七人。

美國海軍人死傷數

美西戰爭之際。美國海軍死傷數。死者不過十六人。頁傷者七十四人。今詳類別之。

則馬尼剌灣之役。無一死者。而貧傷者九人。贊智亞哥之役。死者一人。貧傷者九人。 贊智亞哥砲臺之役。死者一人。頁傷者十一人。庚打奈麼之役。死者六人。頁傷者十

外各地海戰死傷者尚有六人。稽之古來戰爭。死傷者之少如此。實屬空前絕後之事。 與西軍砲臺戰。死者五人。頁傷者五人。砲擊參樹安之役。死者一人。頁傷者八人。其 六人。開油岳司之役。死者一人。頁傷者十一人。又水雷艇運斯漏號。在加爾土奈斯。 凡海軍史上宜特筆大書也。

英人倡設支那語學校

以充創築學校之用。偷每年再得捐款一二百磅。即定議舉行云云。 據最近英字新聞。在倫敦或曼智斯打。創設一支那語學校之議。已經該地諸銀行家。 及商業家。合力舉行。每年捐銀一千磅。以資教養學生。其外尚有捐銀一萬五千磅。

德人在膠州。去年十月二十一日。在該地倡設一報館。題名曰。德意亞細亞報。而該 **德人在占據地創設報館**

報。於十一月十四日。即占領該地紀念日。舉行氣愛拖利提督。彰功肖像除幕式。該 報之報面。印出(W.J.R.)三字。盖係顯德鷲畫爪痕地。即是久歸德領之意。今據該 肖像基石 。刊德清兩國文字。詳叙一千八百九十七年。十一月十四日。該將軍占領膠

州之功云。不知中國志士閱之。當如何感發也。

會聞德法兩國。潛心考驗曲射砲。盖該砲爲用。設有一物阻碍。不能透瞰所欲擊之 德法探用新式曲射砲

譯東京日日報

國近日兵事新報。該國已出敕令布告。許用該砲。以供野戰兵隊之用云。 地。則先放輕氣球。測量其方位。以及距離若干。照準其曲折。自有命中之妙。今據德

英國政府致電白疊斯福伯

白疊斯福。爲倫敦商業會所委囑。巡察清國商况等事。因白君身在軍籍。內外頗疑其 行動。以爲有深意。今據英國新報所言。白之巡遊。實奉政府密旨者。文聞日前本國 政府致電白君曰。此間狀勢頗迫。設有不測。使卿當中國沿海軍務。宜暫留其地。以

候命云云。

清日兩國之交也久矣。文化相通。風敎相同。以情則有兄弟之親。以勢則有唇齒之

形。其玉帛來徃。自古不渝者。因出於天理之公而發於人道之正。豈典彼瓊輿列國。 朝婚夕寇。互相攘奪者同哉。何圖前年昊天不弔。兄弟鬩牆。而列國乘隙。時局日

柱。須相交以誠。講明大道。以助上律下。同底盛强也。是我東亞同文會之所以設也。 尙禮。益固邦交。下則兩國商民。須守信共利。彌善隣誼。兩國士大夫。則爲中流砥 艱。嗚呼。忘愆棄嫌。外禦其侮者。豈非今日之急乎。當此時。上則兩國政府。須執公

請兩國士大夫。同生於此洲。同志於此時者。贊此意。入此會。以戮力於此。

東

亞

同文會

明治三十一年十一月

發會決議

一保全支那。一助成支那改善。一討究支那時事而期實行。一喚起國論。

會長。近衛篤麿 常任幹事。田鍋安之助。 幹事。陸實。 池邊吉太郎。 佐藤宏。 井上雅二。

19日之了区 東報譯編

興清論

廢者興。興者亡。存者滅。衰者盛。塞者通。得者失。天下之勢。其久者必有變矣。以清

錄東亞時論

爲列國爭土。其利益至今殆殲焉。印度爲英所據。暹羅爲法所逼。極北爲俄所奪。天 韓魏中原之衝路也。蓋清之存亡。關乎天下之大局。昔阿非利加之地。沃野千里。久 戰和間兵備益張。兆民不知所安。宛似春秋七雄之爭競。以俄比秦。以英比楚。清則 所以可濟之道。則庶夫其可矣。方今天下分離。弱邦割據。欲戰而不戰。欲和而不和。 之大國猶不免。是天也。非人力之所能爲也。但有爲之士。忠義之臣。能就其勢而求

實與之鄰。家國之不幸。有大於此者乎。俄奉其先人遺法。常以吞併爲國是。如侵新 敵。八方肉薄者。亦不足怪也。泰西諸國。以俄爲最雄뽧。狼睨豺視。亦固其所。而清 而欲無人之覬覦也得哉。據之者興。割之者振。併之者當號令於天下。則其四面受 下無餘壤者久矣。清則位於天下之中。享山河之利。民戶幾億兆萬。廣袤幾千萬里。

連灣。則東下勢成矣。東下之勢既成。而與法左右相提。北自渤海窺燕京。南自演粤 彊。畧滿州。狼子野心。不過爐見端倪。然其陰謀秘計。更有可懼者。至奪旅順。掠大 人之可得而據也。清帝之即位。非天之所以獨厚於清朝也。清朝之先。實有其德故

大皇帝者。四百洲之大皇帝也。非一朝之可得而私也。帝位者。中國之帝位也。非一

圖長江。定首尾呼應之計。既精且熟。其大志豈不在禹城之帝寇哉。是四應萬人民。 所宜同憂共憤者。且不獨清國之鉅害。抑亦東方之大患也。僕不肖。以賤劣之身。欲

有所言。蓋清日兩邦。有輔車相依脣亡齒寒之勢故也。

本在於土地矣。閩粤之陬。江河之濱。禾穀穰穰。絹綿陳陳者。運出配給於全世界。而 敵。其封彊約四百萬英方里。亦何讓於歐洲平。國之本者民也。民之本者財也。財之 多矣。若修其政令。安知不能變弱爲强哉。域內民生四億兆。既與泰西之總戶口相匹 清國者。天下之大邦也。昔者久稱天下之强。近則漸成積弱之勢。蓋其政令之不修者

眼紅髯之輩。乘我積弱之勢。而逞其将食之謀也。豈不可歎哉。 則清之優而洋之劣可知已。今乃財賦在於此。而營運不在於此。民衆在於此。而振勢 不在於此。是獨何哉。蓋由官府不知所以爲治之道。民生不知所以適從之法。徒使碧 猶綽綽有餘裕。與彼日夜營營。謀収補給於他邦者。既不相侔。以富較之。以民比之。

也。失民心者失天惠。無民望者違天意。清帝之所以能繼承其位者。天惠之尚存。民 府。其項固依然舊態也。豈非憂國之士。所可推天意而量民心耶。然潛考所以應天意 進取之力。發憤之慨。無足見者。妄自曲辨。强斥泰西之美技。不欲舍短取長。因循固 於中國之租稅。無一事有功社稷。而其福已極。無復遺憾於人間矣。是以心氣朽腐。 公之貴者有焉。利祿榮身。玉帛養親者有焉。出將入相。門客滿堂者有焉。 順人心之道。其在遷都之舉歟。夫滿蒙人之寄食于中國也久矣。以愚魯之資。而居三 心之未去故也。唯憾邇來事勢日非。廟算屢誤。定邦安民之策。殊無所出。而清國政 代之人心。豁然有所啓發。乃乘其機。敷布教化。爲文明之礎。屯田練兵。以圖富 民。時局至此。彼當國大臣。雖冥頑不靈。無所施其技也。然則遷都之利。豈獨新民 本。中國於是可復先王之中國。清朝於是可復先王之朝廷。生民於是可復先王之生 遷大皇帝於江南。以武昌爲新都。爰建宮闕。布令於各省。以奠一統萬世之基。則一 陋。混混沌沌。處之晏如。中國勤勉之士。欲與之圖日新之業。不亦難乎。有策於此。 心而已哉。一可以制舊黨。一可以避兇俄。二可以握天下之要。四可以弘帝王之德。 而皆取給 强為

事可成矣。

拾。誠可悲矣。雖然。欲行天下之權者。必先擁天下之兵。欲擁天下之兵者。必先握天 也。其力量識行。足爲世所推重。惟根本未立。急於圖功。進銳退速。以致一敗不可收 頃者清國新政之士。前後輩出。欲試經綸于一代。而事終敗矣。然皆當代傑出之人

服者。號令不周者。改革之窮形也。威信不立者。改革之病形也。人心不服者。改革之 權之大本也。無兵而行權。號令不周。無財而行權。威信不立。不收人心而行權。民無 下之財。欲握天下之財者。必先收天下之心。天下之心。天下之財。與天下之兵。行其

禍形也。今改革而有此三敗形。而持其一孤權强行之。雖智不足運其智。雖勇不足用

然則改革竟無所施乎。嗚呼。何爲其然也。改革者天理也。天理者。天數之所歸。順天 其勇。况於身實無其權。僅賴帝力以伸其志者乎。宜乎其一敗塗地也。

者其興也。必不遠矣。惟若再圖改革。宜慎戒其着手焉耳。無兵則不宜輕動。無財則

握財權。終擬擁兵權。養其三本。以應三不宜。而後始下手於此。則雖有盤根錯節之 不宜輕動。不收人心則不宜輕動。能守此三不宜。而鄭重以圖之。先擬收人心。次擬

難。猶快刀斬亂麻。截焉莫能阻礙也。改革之事。於是平大伸焉。

俄國外交官評言

駐美俄國公使加衣希尼伯。現在華盛頓。項日謂美國某報館記者日。俄國無欲占取 治天下。實清國之大利。而俄國享益。亦復不少。則清俄交誼。愈加親厚。亦何足怪 才德。吾未知之。至西太后之英明。爲古今所罕觀。其勢力强大。固其所也。得此人而 通行之後。則旅順利害關係。豈止爲海陸軍根據之地而已哉。語及清國政變日。清帝 牛莊之意。蓋俄國已得旅順。又據大連灣。軍情商務。業得要領。若至西伯利亞鐵路

乎。譯者曰。俄之貪婪很鷙。且其有是言矣。

任

公公

不讀 小說諭 則步武紅樓綜其大較不出誨盜誨淫兩端陳陳相因塗塗遞附故大方之家 寓譎 不得圉人求之而得豈子貢之智不若圉 無之人多六經雖美不通其義不識其字則如明珠夜投按劍而怒矣孔子失馬子 雖 輕薄之也中土小說雖列之於九流然自處初以來佳製蓋鮮述英雄則規畫水滸道男女 而利導 衛之音則靡靡 政治小說之體自泰西人始也凡人之情莫不憚莊嚴而喜諧謔故聽古樂則 可 然 小說者故六經不能激當以小說教之正史不能入當以小說入之語錄 禁且從而禁之孰若從而導之善夫 人情厭莊喜諧之大例既已如彼矣彼夫綴學之子 諫於詼諧發忠愛於馨豔其移人之深視莊言危論往往有過殆未可以勸百諷一而 之故或出之以滑稽或託之於寓言孟子有好貨好色之喻屈平有美人芳草之辭 例 不能治當以小說治之天下通人少而愚人多深於文學之人少而粗識之 而忘倦焉此實有生之大例 南海 人哉物 雖聖人 先生之言也日僅識字之人 各有辜人各有等以龍伯大人 無可 **聲墊之暇其手紅** 如 何者也善爲教者則因 有不 樓 不能論當以 而 每不屑道 惟恐臥聽鄭 與焦 讀 口 貢 水滸 經 求之 無 Ż 有 終 情

THE SHAW COUNTY OF THE PARTY OF

。 輝印政治小說序

八蔚 焉英名士某君曰小說爲國民之魂豈不然哉豈不然哉今特採外國名儒所撰述而 而 經歷及胸 則不聞也今中國識字人寡深通文學之人尤寡然則小說學之在中國殆可增七畧而 切於今日中國時局者次第譯之附於報末愛國之士或庶覽焉 而 全國 兵丁 四部而爲五者矣在昔歐洲各國變革之始其魁儒碩學仁人志士徃徃以其身 之議論爲之一 而 中所懷政治 市 儈 而農 氓 變彼美英德法與意日本各國政界之日 之議論一寄之於小說於是彼中綴學之子覺墊之暇手之口 而工匠 而 車 夫馬卒而 婦 女而童孺靡不手 進 則 之口之徃往每 政治 小 説 爲 功 有關 書出 之所 最 爲 高

東海 云 俯讀 散士一日登費府獨立閣仰觀自由之破鐘 獨立 一之遺文愾然懷想當時米人舉義旗除英苛法卒能獨立爲自主之民倚窓 日本東海散士前農商部侍耶柴四 吉凶必上此閱遠此鐘鏡逐發後人因呼爲自由之歐米之俗每有大事輒撞鐘集衆當美國自立之始 那撰

臨眺 十四年十三州之名士第一次會議國是之處也 之短羅 追 曳文華之長裾風雅高表駘蕩精目相與指一小亭而語曰那處即是一千七百七 懐高 風 俯仰 感慨俄見二妃繞階來登翠羅覆面暗影疏香戴白羽之春冠衣

輕穀

當時 途 窮 米爲英屬英王蔑視 人 心激昂 國 透擅 重賦斂 米 人自 曲 權 利 掃 地以盡 顧 望 一之念絕呼 厄 撲 滅 亂 翻 機

改舊觀 烈義 · 殆將潰裂十三州名士大憂 顯理者乃激 與獨立閣同 昂悲壯 爲費府名區之一云 而 發言日不脫英軛不興民政非丈夫也此亭 之相與會于 此亭謀救濟其窮

叉遙指山 晚 E 在慕士頓府 河曰此丘呼爲竈谿 東北一里外左控海灣右接辜丘形勢巍然寔咽喉之要地一千七 那 河 稱爲蹄水噫晚霞丘

至今獨

在

不

時

座

中

有

巴

士



甚銳米人善拒再破英軍敵兵三增而丘上之軍外則援兵斷內則硝藥竭大將窩連戰 百七十五年米國忠義之士 乘夜占據此要害以遮英軍之進路明朝敵兵水陸合擊勢

氣則 絕布 忘其私身 振是役也將士貧 府委於敵新府繼陷費都亦爲所蹂躪於是大將華盛頓率疲兵退而陣於竈谿時天 雪千里堅氷塞途援兵不到糧運難繼軍氣沮喪士有,菜色諸將議曰若令不一戰以厲 畧據公議以挫强護弱內而修庠序銷鋒鏑 **殁力不能支卒爲敵所陷後人建碑此處以表忠死者之節云** 之赤 舉草獨立之檄文於此閣明自由之大義於天下邊郡之民咸來雲集荷兵蜂起織 四 以爲旗倉父齌糧以響應慈 方忠義之師將瓦 而 軍 M 中凍 惟報國之知宜哉米人之能挽 不撓死而 、死者不 困已極履 無悔誓爲自由而斃抗百萬虎狼之英軍兵結莫解者七 可數計云噫人情誰 解即夜發竈谿卷旗銜枚渡蹄水襲英驕兵大破之自由 不覆足衣不防寒徒跣踏 母諭子揮淚以赴戰場貞婦厲夫列隊 回頹勢凱歌振旅 厲工商課農桑成此富强文明之邦人享 不樂生而惡死顧乃氣高志遠急 冰雪 一脛足 外而制歐人 凍坏 流血 伍惟恐後觸 淋 犯掠 漓數 鄰國 國家 年 里 慕 之師 自由 寒積 之政 一之積 士頓 白 之難 復 軍 刃 女

罷相 之樂家作大平之謳所謂凱歌聲動風雲色兵氣銷爲日月光嗚呼吾黨何日得逢此 與太息者久之

散士 蕩感今念昔情不能堪乃賦古風一 客悉散散士亦出費府郭門步遠 恰如普廷 聽之竊竊 末 路 諸名士新亭之會作楚囚之對泣歎山河之已 疑之以爲今此佳人棲息自由 西費輕靄模糊晚風吹袂遙矚竈谿之依稀瞰蹄水之浩 篇行且吟曰 之邦國沐浴文明之德澤 非宵非異 而慨 事 時倦鳥歸林游 数悲哀 如此

裳 晚 銷沈義 新月 降獨立閣行吟蹄 士建國檄 照 素襟對 此風景好何 百年欽餘音成 水潯蹄水 爲 流 獨傷 敗有定數白 滔滔竈谿煙茫死疎鐘響夕陽倦鳥還遠林微風 心當 年 眼 汗 馬地滄桑 不 可尋英雄皆枯骨鐵戟牛 吹輕

清流出自幽谷 越日春風駘蕩 微 今世之桃 風 遙 送琴聲傾 源也 恨 兩岸碧蘚與數種櫻桃相掩映水色澄潭遊魚可數散 朝霞如煙散士獨棹輕舟高歌放吟遡蹄水之支流漸近竈谿之岸忽見一 八無避秦 耳聽 之其聲漸 人與之話前 近 朝逸事 耳乃吟日 流來下 扁 舟 來 訪武 妃操棹 、陵春 士停舟而笑曰 妃 竟 彈 句 風琴 未 成 「是眞 風 忽聞 汝



常歎米 提百萬 綽約望之若神 故目送久之妃亦回哞再三 髴間 之雄 渡此 隨 波 車牛殘之黑烟 柳 寺 丘 難 逃 任 風 鞠 望故 其 亂 託 水 爲疏 邦 海 漸 言 百 之大軍欲並吞歐洲至歐亞之境立馬高丘慨然歎曰鳴 自 那 無 人乏風 到 曲 黃驚嘤嘤繞樹 由 園彩虹之西 年 郷 畢 寄詞 竈谿 雖 萬 之後皆成 淚 流雅 感交集 仙 門 涔 飛馳平野帆檣 脈脈寸 中 涔 前 極 致不足共談花月韵事今殘春 人 目 下 不 相 不能自 見長 枯骨無復有人生存于此 一眺芳艸 橋 想念千 去數武 心願 熟 無 一移舟 轉枕 者轍然察其情 復疇昔彼 達彼 載 禁 如雲徃來蹄 水有 回岸終不知其所之徒見河水渺茫微波揚 又思 如織菜花 之後威名 一妃凝 岸追懷古 時 英國文章之詞宗 人 視 墨客文 家 散 赫赫 隨微風搖 景似是偉 水散士感今懷古因念昔者波斯王勢氣佐師 人惆 士 雖 相 人追想英國盛 世界者 不 文物粲然 典耳 悵 花間撫琴吟嘯忽邂仙 甚宏敞然古雅清 無已 動綠陰毵毿 人之居散 語 鳴 歷 乃復遡流 呼 似作驚駭之色散士不解其 之大英國既 史之大 世 時 無萬 ---呼今百萬之貔貅 維 家麻 奉 坐 致獨 移舟 西 羊 舟 年 浩冷 之天 于 就 倦 橋之朽 門 妃 但 衰 睡 脫 心振 前 塵俗 見百 汨 敝 曾 子國 回 而 梁寫 Z 壯 在 頭 已散 岸 庭前 花 目 麗 海 無 典 遙 醉微 我 望嵐 翩 之聖 天 柳 不 翩 何 髣 朽 共 越 松

然交

袖

亦

有

多

少

因

緣

彻

詩

日

有

美

人

分清

揚

宛

分經

逅

相

巡

適

我

願

分

僕

何

幸

而

得

此

哉

浪

高

蹈

風

塵

胂

肥

1

表

風

度瀟

瀝

計信

不

云欽

今僕

卒 世

然相

逢

諺

所謂

樹

之陰

Tuis

2

流

偶

+

冠

之才

美亦

当

避

舍

而

振

冠

南

嶽

濯

足

泊

角

妃

遊

T

界

1:

倚

窓吟

朓

之士

非

耶

君

111

邓

答

E

然

妃

E

安名

紅

並

故

有

河

妨

避

111:

於

此

地先是見

妃

以

柳

枝

掩

4

面

微

笑

E

郎

君

所

言

者

彼

7

柳

陰

之人

也

一妾豈

敢

111

此

伏

間

前

H

費

府

2

獨

之廢 者 景 久 Ш 7 越 觀 既 數 必 + 有 而 慘然 步 遙 妃 提 見二 不 樂者 輕 妃 裾 拾 而 俯 徐 翠 仰 步 於 古 漸 江濱 今 近 興 散 悲 咫 尺 士 來 华 者 盈 İ 徘 盈 + 不 徊 Ξ 語 戰 JU 脉 塲 綠 感 脉 唯 恨 慨 皓 無 無 幽 微 限 垂 波 因 黄 以 漸 金之縟 通 葬 寸 歸 素彷 路 髮細 經 徨 通 腰 蠹 谷 躇 涉 氷

夢 艾 銳 頃於 H 肌 洛 训 無 踏 THY 111 君 亂 JI 浙 Z 散 打造 1 H 西 神 H 偶 班 相 之文 女 本 牙 見 有 之士 亦 者 履 M 所 無 感 非 揚 來 顔 Ш 彼 偷 1 郎 海 閒 耶 君 皓 相 掉 散 也 腕 去 舟 + 耶 折 美希臘 本 乘 今 萬 柳 風 此 E 蘇 枝態 里 以 否 网 外皇蘇門 得 开 僕 谷 無 自 東 漁 度 美關 有 風 田 牧 海 女王以 2 故 之來 来若 近 鄉 戰 + 之思 梨花 場 者 百 笈 流 獨 否 連 兹 含 称 散 俯 露 土 况 -1-者 平 紅 们 貴縉 E 吟 彻 並 浴 嬋 咏 今 心 公子 妍 雜 池 仙 歸 花 顧 绞 幸 爛 哉 散 撫 釋 罪 郎 1: 芳草 筝 疑 君 揖 低 慮 髮 而 吟 妃 被 黑 雲 驚 野 眼 E

視妾為 若得 蓮步踐 郎 翠翠 復來告日 流據 之 雲之蔽 架 掛 君 共語 於河 歟 雕 竈 揖 堆 横 綵繡 螺頂 路 妾 花 谿 新 妃 上阿 欲 水 風 籍籍中 月 Kni 之 玉篇 日 鵲 之雲 近視 姊 探 流 4 Z 久待郎 姚謂 橋以客屋渡 Z 輕 郎君之蹤 丘 郎 壁 韻 東對 之皎潔若白 間 君 履 秋 高 妾日 事 餘 波 掛 光 君望高 費府西 可 凝 白 臨 香 -散 異哉前 情 跡 題說 於此 襲 風 之因微笑 苦 加 烱 1 筝 1接芳林 懷 妾 鶴 軒 無 大琴小琴 壁 徐 烱 之立 之幸 射 賜過散士 媒 無 日相見於獨立閣今亦相遇於竈谿遊跡 頭揭 步 限 來 介 1 | 敢託 暗備 疾 仙 之憂鬱矣 散 _ 深 迎 福 幾疑 堦 行 相 扁 遂 何 舉 直 折 华 對備 网 以 威 額其文日 至 儀 幽 頭則已有 柳 以 関 加 姐 二十 柳 旣 以 妣 紅 隱逸之故妃無 庭前 之因 極楚楚須 陰典一 試 降 奶 M 含笑皓 許 於 駭。 幽谷 起薦 塵洛 櫻花 盛粧 一妃 郎 E 妃 彼 君 惠嗣 **奥坐定談話** 長 神 盛 濃飾冷 待於門外遠望 耳 1: 幸 椅 出 幽 開 語乃 恕其 眸 微 然日 空懷 楊 以 世 請 於 露 與 柳 八共入于 髪俱 纖 艷欺霜 唐 一妾豈 坐其 是 香 垂 突不 枝 散 腰 加水 年 黑 風 好爲 家 士 粹 年 曳 黎 一之髣髴 流不期而 眉畫遠 臨 敬 或 全節 陸 臨 11 輕 謕 恐西 綺 流 2 態遜 蹄 動 此 婆 罪 一、娑密 之長 Z 者 待 7k 胸 山之 尤 班 如 時 狀 之 悸 鳳 裾 輕 家 勿 牙 合 外 相 凰 支

接之頃

豁

然

大

開

襟

懐

胸

中

不

置

畛

域

問

維。 新。 分明。 百。日 中。 室哀痛起桐 宫禍。 水。 沿中夏 。 堯台悼

莊° 嚴對。 溫。

南。巫。吾。王。遮。望。歷。 陽。君。孫。雲。帝。歷。 眞。有。金。杜。 可。是。翅。鵙。 特。非。鳥。紅。 啄。 食。 1/10

龍。

飛。

海。水。

看。

翻。

夏。

怨式微哀

哀。

呼后。

土慘慘夢

金閩。

于。

載。

幾 恨。 聖躬。

110

臣。

東。 海。

淚。

哀。 痛。 詔。 頻閘。 未。 定。 維。 新。 業。 先。 傳。 禪。

讓。

女。

中。

原。

皆沸泉。

黨。

獄心

愁雲上

帝。

臣。

罪。

宫。 慙o 筮o 泰。 詔。魂。 北。 闕。 入の 無c 軍。 ·抗議誰會· 上。 王竟不 間。 更無敬業卒空討武曌文痛哭秦庭 去。

爲 枚聖

誰

文 信國 日月星辰 硯 歌 対叙

嗣 同

譚

白。圓 五 影 寸。廣华之。博 太 与 極 朗 圖 潤 一。徑二分。赤白各牛。餘類雲霞類沫者。乍隱乍見。莫 秋 叉牛之。質 陽。 星二。一徑分。一半之。背 細 膩 微微 白。 圓 量 徑 寸。 常益大。黑白 黑白 周 數 紛 中

微

黄。又

中

則

純

宛

然

大

地

山

河

硯

藏

醴陵張

氏。長



楊鐵 得 張 名 氏 崖 膂 此 以 右 七 硯。尤願 側銷 客名寮。 銘 日。瑞 有 E 以 副 帶生居其 石 此 成文。星辰 硯 也。 0 余舊蓄 吾不 日月。 信 知 國 不磷 視此 蕉 雨琴。 奚若。 不 緇。始終堅白。 亦曠代 而鐵 崖不 罕觀。 矜 末署文天祥 細行。厥號 行 出 相 文公公 而詩

以 先焉

哉。 相。載 既。 天 生。地 碎。從。見 者 石。 天 懷 亦。 棉。 以 石。 藍。 紹。 清 Но 其 層。 獨。 坤 吁 風 IF 氣爲 嗟乎。石 留。 萬 維。 不夜之星辰 裂。 出出 星 年 喋。 河嶽爲星日。復以餘 赤。 潮 無。 向。 不自今日 信。 前。 滄0 戎。 溟0 海 長。 滅。 7KO 明。 中與爾 堀。 竹 而 如 御 始 日。 意0 拼。 石 堅。 月。 数 · 覆0 氣爲日月星辰之怪石。河 冬青歇 白。 崖 亦 之。質。 Щ° 不 1000 自 豐 相。 今日 山之。 隆伐。 磨。 確。 丽 が離り 終。信國與之亦偶 方 謂 事定策爾 缺雲師 節° 嶽 斯 精。 時 靈鍾信人 日。狂。 功。 月。星。 天 奔の 浲。 風。 辰。 遂 絕o 安。 列回 偉 在。雙 徒。

黄 老 督

有。

游。

俠。

賴

此

意

氣

所

党。 連。 衣。 旃。 金 裘。 题0 知 劒。 語。 母。 胡。 亦。 E 跳° 111-0 前。 致° DIO 雙〇 詞。 少安。 借 問 何 徃。 讇 城 東。 嗣 聞 有 捎

母。 刻[°] 胡 服。 贵。 不。

Fi

既 得。 哀。 始。 鳩。 乃。戶。 交。 多。 樂。 勤。 侯。 紐·o 世 凄

其

。 黄 孰 不 處貌。 無。 及い 爲。 --0 雍。 獄。 防心 然近 門。 णि 吏。 1110 歌。 悦生也。 尊。 策。 法 百 T 年。條。 以。 戈[°] 戒o 賢。 亦。 防。 有。 Po 於 民。 云。 涯。 很。 10 戢。 令甲遂。 用 流 1110 惋° 布。 當。 與之耦。馬東歌 無°如° 紛。 其。 何。 紅。 朔風。 雖 寥寥 用。 赴。 三章約恢恢大度存 終蹉跎堂堂兩 嚴。 以 節io 嬉。 嘉 八白日見 植。 不。 夫。 復。 人。 部洪水。 華。 相國。 淹 籠 翳°利° 與。 同。 患。 110 委。不。 吏。 耳。 波º 得º

登

後。

由

來

修災告

本館售報價目 週年三拾三冊報費洋四圓閏月加三冊洋四角閱每月者報費洋**四** 角

零售毎 本洋 角五分郵費一冊五厘(日本郵 便局無設置之地郵費二仙

報費郵送之節者橫濱石川郵便受取所宛乞振込(報費郵券代用者二割增

諸君如有願爲本報代派處乞函致本舘自當隨時付呈

本舘承刊告白價目 凡函來購報及商量報事惠賜文稿附印等事信力均請自給 代派處概提二成作經理之費 兩行起碼

圖另議封面告白加倍

以上曾先付資後刑報不再减折

一期三圓以後每期加二圓四行六圓其餘類推

刋

發行棄編輯人 刷 英國人 國人 馮 鏡鏡

所 所 横沒居留地百三 鈴 木 鶴 太 横濱市伊勢町三丁目六十五番地 濱居留地百三十九番館 報館 活 報 版 部 舘 郎 如

印

刷